

108
2

教行信證畧讚

七


館書圖京東				
六	二		〇	
冊	號	架	函	類門

教行信證畧證第十三

證卷一

淨信院道隱師述
齊藤聞精師校閱

此中太分爲二。初題目選號。後入文解釋。此初當卷題目也。由
真實教獲真實行信。由行信而得真實證果。信卷已意。今次顯
行信所得證果也。凡淨土得生果經文顯然。雖然通方便真實。
有隱顯傍正。而容易難窺。是以諸師論淨土證果。多在不退位。
未論其稱證。於中如元照。信仰淨土人。尚立遠近二果。以不退
爲近果。長時起行漸至涅槃爲遠果。未許初生即極。況餘人乎。
是以本邦古師。真源靜照等。以定聚爲十一願之依。淨土門學
者。多因循諸佛釋義。未知真實報土高妙。但以離三界迷住不
退。不墮惡道。爲往生淨土之義。經說正意於于此乎。抑塞矣。嗚
嗚可憾哉。是以晉高祖。憤然探經深意。顯本願正意。開示安養



妙果。異於諸佛淨土通相。判其證果高妙。初生究竟無上妙果。爲安養國德。諸師之所未談。他流之所未知。今家不共已證也。爲有此義。今別開斯卷。以顯不共證果。可深仰信矣。○顯淨土言簡聖道門諸師。真實之言簡淨土方便。顯示淨土真實證果。故題曰顯淨土真實證也。其選號如前可知。

○必至滅度之願 難思議往生

此標所宗學願及證果。然現本於題後。本文前有。此標學文。依真本此一行。在於題前表紙裏。標所宗使人易知。延壽等。現本後人所爲難知。師說云。諸師多從淨影分節。此願爲攝衆生願。今言不然。據論主三種功德之分文。此願爲國土功德之攝。以國界無爲涅槃界故。若不生彼國則已。苟得生者。無有一不證涅槃者。國德之所使然。猶如入火則燒入水則潤。是故此願攝爲國德也云云。今謂國德自然可然。爾爲大行大

信之所得果。爲攝生之願亦得矣。○難思議往生者。彰真實報土證果。經言見彼嚴淨土。微妙難思議是也。双樹林下難思往生。是化土所得也。今畧辨三往生者。難思議往生。猶如言難思議。此乃機法鎔融無碍之稱。難思是法不測。難議是機契法之謂。機法俱願力不可思議故。名難思議往生也。難思往生者。畧議一字。以彰法是幽妙。機是不契。此法實。非機法融妙之義也。謂法即名號。而機是定散心故。自力念佛所得。名難思往生。除議字簡機法鎔融無碍證果也。双樹林下往生者。修諸功德之機生彼國。見彌陀示現休息隱沒相。不見聞三寶。猶似同釋迦化身入滅之相故。名雙樹林下往生。此亦機法俱。不契彌陀佛德之稱也。具如甄解第二。

○謹顯真實證者。則是利他圓滿之妙位。無上涅槃之極果也。後本文中。大分爲三。一往相證果。二還相回向。三結釋二種。初

中亦三。一直明真證。二廣引諸文。三總結四法。初直明中亦三。一先嘆妙位。教卷首云。謹按淨土真宗有二種回向止。就往相回向有真實教行信證。教行信上既竟。故今次明真實證。此乃教行信之所得證果也。○則是利他圓滿之妙位。無上涅槃之極果者。嘆其妙證也。畧書云。言證者則利他圓滿妙果也。文是畧爲一句。今開爲二句。淨記八十云。廣書對起妙位極果。兩句俱指極果。非分證也。文。此爲二句一意。廣畧同指極果之意也。非分證也者。暗辨大要意也。六要四左云。利他等者是指證道。或指初地已上。或指八地已上乃至等覺補處。是則衆生生者。皆是阿毘跋致。由佛大願力。所得希奇益也。無上等等者。是指妙覺無上之位。必至補處所窮極之妙果也。此初句約廣門爲分證。后句約畧門爲極證。廣畧相入故義亦無妨。然非祖意。其廣門則於下還相門言之。於圓滿妙果。何論廣門耶。既言圓滿

妙位。何言分證乎。畧書爲一句。言圓滿妙果。明知今開爲二句。而但是一證果。有人斥淨記云。六要意自成立。圓融位相云。廣本約正定及極果。對起爲二句。願願文住正定聚。必至滅度文相故也。故利他圓滿妙位者。指菩薩正定聚也。無上涅槃極果。指妙覺滅度果也。可謂得祖意也。然記以對起二句。並約極果者。其義似高。却成混亡淨土位相。且使利他圓滿一句。成無上句。非唯違祖文。亦違願文。並明定聚滅度。是偏認祖文。現生定聚。及願土不言品位階次之義。單設此解。欲使圓頓妙位。却墮頓教分齊。吁何謂乎。若夫淨土位階。歷然差別。則欲不可謂之大願所成上乎。何其不思察圓位義哉。淨土位階。或初地乃至八地等覺。此等諸位一位即一切位。一切即一位。諸位淺深莫非究竟。一位諸位相即相入。鑿融無碍。謂之大願清淨報土位相。若始無諸位差別。何以知相即相入無碍也。箇是頓教混

亡之談。非圓融無碍極談也。是以證卷廣明淨土因位果上證
果。而顯示圓頓一乘主伴無碍之極致。卷首二句標意在干茲
矣。今書從畧合廣本二句爲一句。利他者如來回向證果。而非
自力也。圓滿者圓謂圓融。滿謂圓滿。一位即一切。一切即一位。豁融
無碍故。云圓融也。位々具一切位功德。無有欠缺。故云圓滿也。
因通果海。果徹因源。因果無二。始終無異。於一一位上。即是菩
薩。即是佛者。此義也。故云圓滿耳。然則非差別非無差別。差別
無差無差即差。差別無差別如來能知。實是不可思議證果也。
故云妙果耳。故次下引證文有此意。已上略抄原說此亦恐泥華嚴圓
融位相爲此說。他方淨土豈如是乎。凡證無上涅槃。已後現菩
薩人天等差別諸位。且就廣門示一位一切位。是涅槃界中位
相。莫敢所間然。然高祖判真實證之体也。未曾見一文約因位
者。依正主伴皆約無上涅槃極果論之。今正定判淨土真實證

果之正体。何以分證爲證果体耶。有人會釋。似巧却失祖意。而
已。○利他圓滿者。畧書大行真證。並以利他圓滿言之。信曰利
他深廣。故知如來利益他。回向成就。名爲利他圓滿。出利行滿
足。泐記一三十有五義。第五如來利他之義爲然。○無上涅槃
者。彌陀妙果號曰無上涅槃。淨土極果。與彌陀同證。故曰無
上涅槃之極果。妙位與極果。同是約究竟妙者。名不可思議。位
是無上覺位。此乃非自力豎出之覺位。如來回向利他圓滿。不
可思議之妙覺位。稱云利他圓滿之妙位。此望等覺已還言之。
無上涅槃極果者。利他行信所得之果故。利他所得於于此極
故。又利他教化地之体。故從與佛同證一如。示現種々身故。
○即是出於必至滅度願。亦名證大涅槃之願也。
二明所出願。畧書三名初二同此。亦可名往相證果之願。又云
無上涅槃之願成就文。已上四名中。往相證果願。就義立名。往

相行信之所得證果故。今次歎釋自著故畧之。餘名並據魏唐兩
本文立名也。諸師立名如六要四廿。義寂法位玄一靜照真源。
並皆就定聚立名。不退爲願體故。但御廟智光二師云。住定聚
必至菩提之願。是亦意分始終兩益耳。吾祖特以滅度爲願體。
約究竟故。名必至滅度。證大涅槃之願。生即無生故。生處即到
涅槃處故。其正定聚。約密益則探爲現生不退益故。約一
法句。則但必至滅度爲本願體。又約廣門。則正定即滅度。是以
願成但有正定聚。定聚之體滅度故。滅度爲願體。立名太異。諸
師矣。

○然煩惱成就凡夫。至示現報應化種々身也。

三嘆釋甚深。略書引文後有此嘆釋。今直承無上涅槃之極果。
而次願文嘆釋。所謂滅向無上涅槃之極果也。初二句
學所被機。用論註語。若依道理成佛之法。則斷三惑。而后當得。

無上涅槃。然煩惱成就凡夫。不斷煩惱得無上涅槃之極果。實
不可思議妙果也。十一願成。其有衆生。生彼國者。合于第十
八願成。所有衆生。即得往生文。有初二句可知。○獲往相回向
心行者。即時入大乘正定聚之數者。承前利他圓滿。明涅槃正
因決定之位。正因者。即往相回向大行大信也。獲此心行位。經
說即得往生。住不退轉。不退即正定聚也。此位龍樹大士曰。即
時入必定。辯師曰。入大乘正定聚之數。今據此二祖。示現生正
定聚益也。○住正定聚。故必至滅度者。承向無上涅槃之極果。
彰必至滅度願意。若爾十一願定聚。義兼兩向。今何爲現生益。
耶。解云。祖意深。爲顯生即無生故。生彼國。即超證大般涅槃。取
正定聚。爲正因決定之位。正因既定。不可不必至滅度。故云必
至。必定是因。果必然之義也。○必至滅度。即是常樂等。彰異名。
唯信文。意釋涅槃界云。涅槃トマツヌニ名無量ナリ。涅槃トハ滅度トイ
フ。無爲トイフ。安樂トイフ。常樂トイフ。實相トイフ。法身トイフ。法性トイフ。具如

佛性一知ト云フ。○即是常樂者。涅槃四德中。學二攝餘。序題門云。捨此穢身生性。即證彼法性之常樂即無生。生即無生故。為滅度異名也。○常樂即畢竟寂滅者。畧書云。無為法身即是畢竟平等身。即寂滅文。此約能證身。論云。見彼佛。未證淨心菩薩。已下畢竟得證平等法身。與淨心菩薩。與上地諸菩薩。已上。畢竟同得寂滅平等故。註云。據之顯能證身也。今此中意不同彼。今所證法性常樂。為畢竟寂滅。畢竟之言約究竟。註下八云。無為法身法性身也。法性寂滅故。法身無相。今據之。法性畢竟寂滅也。○寂滅即無上涅槃者。法事讚云。彌陀妙果號曰無上涅槃。如來會云。無上菩提到涅槃處文。○即是無為法身者。論曰。真實智慧無為法身。註云。以無為標法身。明法身非色非非色。聲公云。涅槃秦言無為。亦名滅度。無為者取其虛無寂寞絕於有為之諸相。滅度者名大患永滅。超度四流。實相法性真如一如。皆

是一法異名。大論三十二五云。諸法如法性實際。是三皆諸法實相異名云云。○實相者。法華方便品云。唯佛與佛乃能究盡諸法實相。所謂諸法。如是相性。体力等止觀五之一。諸法真實体名實相。即實智所得故。論註云。真實智慧者。實相智慧也。實相無相故。真智無智也。○即是法性者。諸法本姓名法性。大論三十七七云。法性者。諸法實相。除心中無明諸結使。以清淨實觀。得諸法本性。名為法性。性名真實文。○即是真如者。論註下三十云。真如是諸法正体等。○即是一如者。如名不一不異。維摩註經四五云。一切衆生皆如。一切法亦如。衆賢聖亦如也。至於彌勒亦如也。衆生如彌勒如。一如無二如文。依正主伴平等一相。所證果海名實相等。然畧書云。滅度常樂大涅槃。即是利他教化地果。不言從如來生等。廣本缺利他教化地果一名。言從如來生等。有說云。今文顯示念佛行者。彼土所得種々身。

濟生利物。以彌陀一如為其体也。畧本利他教化地果。体即一如故。異稱中加之。令知無異体也。或有云利他教化地果已下八種者。還相妙用之体故。成往相義。從往相果体而開出還相。是故證卷還相中。引此等論及註。可知。然者彌陀如來從如來生。示現報應化種々身者。大經菩薩嘆德文云。從如來生解法如如文。解有二義。一義云。此正示主伴所證平等。眾生如佛亦如。一如無二如。名一如。眾生同證言為阿彌陀。從此一如顯形云。來生。即是於七寶華中。自然化生。示現報應化種々身。種々攝化無窮。從往相証果。開還相者是也。不但彼佛國中。十方三世一切如來。莫不皆然。云同乘一如號正覺等是也。今按末灯抄云。誓使成無上佛也。言無上佛者。無相言自然。有相不名無上涅槃。為知無相義。言阿彌陀佛等。今準解無上涅槃證果。非色赤青黃白非相長短方圓是名阿彌陀。誓令眾生與我同證無上

佛。即是必至滅度願也。故知眾生同證阿彌陀也。又一義云。真如。即是一如者。畧門一法句。從此畧門示現種々身。官殿樓閣池流華樹等。皆是一阿彌陀變化故。小經云。是諸眾鳥皆是阿彌陀佛。變化所作等。故知從一法句。出廿九種。云從如來生等。○必至滅度願文。大經言乃不取菩提上已二廣引諸文有二。初經后釋。初經中亦二。一因願二成就。初因願中。初大經文正證。次如來會文助證耳。國中入天句。文軌三義。初約現後二約當。今謂約當為願正意。其定聚為現益者。蓋但密益。無妨於願正意。以定聚取屬因文故。有說云。此土所得不退位也。不退位者。柔輒得忍。兩願所顯。願文云。十方無量不可思議。諸佛世界眾生之類。故此中定聚在現生。樹。今謂約現生。則合于第十八願不退。何可異求耶。又下引眷屬功德註文中。其果云。正覺華化生。明其因云。同一念佛無別道故。遠通夫

四海之內皆爲兄弟。眷屬無量焉。可思議文。此亦爲念佛往生願之一因。四海皆眷屬。通指此土念佛人。爲眷屬莊嚴。明知禪師亦分存大乘定聚現益之義。何有妨於國中。人天言耶。高祖此願名必至滅度願。又名無上涅槃之願。以究竟當益爲願體。其義可知矣。○住定聚者。今家意有二意。一約密益。則現生不退是也。以下所引唐譯文爲証。若依顯益。則彼土益。正定之體即滅度也。生彼涅槃界。即証得法性常樂。從果向因。現人天菩薩。初地二地乃至十地。聲聞等之種々身者。正定即滅度也。次下引願成就等文。是其證也。釋摩訶衍論。正定聚從佛果。至十地三賢。皆名正定聚。淨土正定亦然。或現十地三賢等。其體滅度。但是一涅槃中之示現差別耳。是以願成就文。但說皆悉住於正定之聚。不說必至滅度。禪師引無諸回伏之難。爲速証之明証者。此意也。若密益若顯益。其滅度爲願體同矣。然六要四

右。正定聚有隱顯傍正。言傍正者。若此正定不退。在第十八願成。則現生益爲正。當益爲傍。若在第十一願。則密益爲傍。當果顯益爲正。傍正互有。而不相妨。可知。○必至滅度者。梵言大般涅槃那。此翻云大滅度。肇論云。滅度者言。其大患永滅。超度四流也。疏云分段變易爲大患。欲見有痴爲四流。又云涅槃唐云圓寂。謂四德已備。曰圓。三障已亡。曰寂。即第一義真。該通空有一佛性是也。文必至者。唐譯云決定。因已決定。來果必然云必至。何可例煥必至涅槃耶。碑西必至言通退不退云○無量壽如來會言等。次引唐譯。決定二字。若爲魏本必字。則決定二字。可在於証大涅槃上。必証大涅槃故。高祖屬成等覺句。訓云決定成等正覺。一文多三類。即成便同彌勒位也。末灯抄云。得信心人。必住正定聚位。故曰等正覺位也。大無量壽經。定攝取不捨利益。名正定聚。無量壽如來會。說等正覺。其名雖異。而正定聚等正覺。一意一位

也。一多證。文亦同。然六要四左云。如來會文。言決定者正定聚也。成等覺者。是顯必至滅度之意。大乘滅度此文灼然也。十號中等正覺。新譯云正等覺。果極。補處等覺新云等正覺明。今等正覺即是補處。等覺不退位。故曰正定聚等正覺一意一位。六要主不辨別新舊譯語。故致此謬解。如文軌所辨。今引證意。以成等正覺之句。顯魏本正定聚。定聚之名通小乘。等正覺名不通小。今以彼顯之。示大乘等覺位也。又滅度涅槃是梵漢異耳。滅度名通大小。今以大字簡小滅度。今所以助顯也。又有說云。住正定聚。依天台初住不退。或初地不退也。今引唐譯助顯非初住初地不退之定聚。即是等正覺。便同彌勒補處位也。畢命時生彼。速証滅度。則理現生便同彌勒明矣。

○願成就文乃至及不定聚
二成就文二。初大經文。后如來會文。初大經文亦二。一住正定

聚文。二平等法身文。初中文言生彼國者。已生彼國者。可言住大涅槃。何言住正定聚。似顯不退位。一。又文言生彼國者。悉住正定聚。是當益不可成現生正定之義。二。進退俱有難。此義云何。文軌泐記等有通釋。可往見矣。今會後難云。一多証文依唐譯。為現生正定不退位。此時訓生彼國者云。欲生彼國者。人。此乃欲生彼國。信心歡喜念佛眾生。指為生彼國者。現住正定。現住正定者。當來必生彼國。理。時證大涅槃。邪定不定者。無生彼佛國中。次會初難云。生彼國者。即唐譯若當生者到涅槃處。正定即滅度。因果不二之國德故。正定即涅槃。是故文但舉正定。不言滅度。又生彼國者。即極樂無為涅槃故。生涅槃國。處。即必至滅度也。從證大涅槃處。一等降。現正定聚。因門。而其体必至滅度。是曰從果向因之正定聚。有此義。說云生彼國者。皆悉住於正定聚。於當來益中。辨此二義。用不隨情。然今此中所

引。生彼國者。句無欲生之訓。故知意在後二義。次下諸文顯此義。至下可知。

○又言彼佛國土至無極之体

二平等法身文。此中分二。初彼佛國土至泥洹之道。嘆依正不二無爲涅槃界。上所謂言彼國。下言涅槃處是也。○清淨安穩等者。涅槃四德。論註云。畢竟安樂大清淨處。清淨是淨德。論清淨功德是也。無三種穢。故名清淨。一無器穢。無須彌國等故。二無惡穢。無三惡趣故。三無時穢。無四時寒熱故。安穩者。常德無衰無變故。微妙者。我德。隨意自在不可思議。言微妙故。快樂是樂德。無諸難功德是也。無三途苦難之名。但有自然快樂之音故。次於無爲泥洹之道者。六要云。次者近也。云。今謂次者。如次如彌勒之次。如同之義。無爲泥洹之道者。佛所得之道。謂彌陀妙果。號曰無上涅槃。今國界無爲。如同佛所得無爲。故曰極樂無爲涅槃界。當知國界無爲。與佛無爲無異。

依正不二同一涅槃界。且分爲廿九相。故云。次如。上文云。國如

泥洹。而無等双是也。○其諸聲聞等。次正明法身平等也。約廣

門故。有人天三乘差別名。而內德通明外相。成同一類。無

有差別。即是智辨無窮明。六神通願。神通。悉皆金色願。無有好

醜臭。大人相願。成同一類。形無異狀。之所使然。於乎此乎知。上諸願皆。是必

至滅度之願。別相耳。畧書不引。已上文。引。但因曰下文。○但因

願餘方故有等者。廣畧二書同引此文。顯十一願必至滅度。然

上願成就文。隱滅度顯正定。今引此文。顯正定即滅度。其正定

乘者。且因願他方菩薩位相。示差別相。全差別皆受自然虛無

之体故。正定即滅度也。但因願等者。爲將來釋疑。謂內德外相

同一無異。何有菩薩聲聞人天差別名耶。今釋之。示於平等一

相。現假名字相也。因者托也。依也。願者從也。修也。謂大乘善根

界。一相二味無差別相。而爲引他方凡聖依從餘方。有人天善

之身。即法身無相也。今按自然虛無之身。即無為法身。即是法性
法身也。法身無為故。非作所作。法身無相故。非色非色。離有無
色非色之相。故曰無相也。高祖傍註云。法性法身是也。○無極之
依者。借易經無極之語。彰法身體無定體。即是方便法身也。如
水隨方圓器。無定體。非長短方圓定相。故能長短方圓。法身無
相故。能現相好莊嚴。猶如云。微妙淨法身。具相三十二。全菩薩
聲聞人天差別。而皆受究竟法身。水鳥樹林之當相。全皆受無極
之體。三種莊嚴入一法句。故。真實智慧無為法身也。畧書此下。引
昇道無窮極文。顯無極之體。不引次如來會文也。

○又言彼國衆生。至建立彼因故。抄已上
後如來會。高祖常引此文。顯現生正定聚。今引彰生彼國者。為
到涅槃處。即是必至滅度。又顯以住正定。為正因決定之位。若
當生者。示無上涅槃之正因決定者。正因者。即真實行信也。此

乃影攝正定聚者。皆悉究竟無上菩提等。當生者。現住正定聚
故生彼國。即皆悉究竟無上妙果也。何以故下。翻顯皆悉究竟
之所由也。謂邪定不定者。不能皆悉究竟妙果。何以故。不能了
知彼因故。彼因者。菩提涅槃之因也。他力。行信。唯有正定聚者。能了
知法藏菩薩。建立無上涅槃之真因。大行大信故。翻不究竟者。
邪定。不定。顯皆悉究竟者。由此吾祖。就機建立三定聚。正據此文。如
一多證文等可知。

淨土論曰。至焉可思議。抄已上

後引釋文三。一論註。二安樂集。三光明寺疏。初論註有五文。初
名聲功德文。證所言正定聚。通現當。点云。尅念願生。亦得往生。
即入正定聚。既加相違釋。尅念願生者。及亦得往生者。為二。入
正定聚亦通二。謂尅念願生者。現生入正定聚。亦得往生者。當
生入正定。現生入者。不退密益也。當生入正定聚。其體滅度。上

所言正定通二故。今證明。三經文類等同之焉。○經言等者。六要
四六指覺經云云。是非可思擇。○二主功德成就文。正覺阿彌陀
善住持力故。一生彼國。證無上菩提。已后。永不異不滅不散不
失。不退轉菩提。佛力住持。入大乘正定聚者是也。此乃證彼土
正定不退也。○住名不異不滅者。不爲四相所移也。○持名不
散不失者。不散壞。失亡也。出大。不朽壞。顯出大論。六要云。出華
嚴。○在水火不爛焦者。不異不滅之義也。得因緣即生者。不散
不失之義也。○三眷屬功德文。顯同一化生無差別證。此界由
有漏雜業。不同因生故。感四生。眷屬無量苦樂。萬品。彼安樂國
土。不由差別業。唯以同一念佛一因生故。同一正覺華化生。以
一因感同一化生果。○遠通夫四海之內。皆一兄弟者。彼淨華嚴
衆。由同一念佛一因所生。與此十方世界。同一念佛者。同因同
行氣相通故。在此界爲彼眷屬一分。雖淨穢相隔。氣性相通。二

也是故四海皆爲兄弟也。忠記有極樂四海。娑婆四海之論云
云。此不知造語法。今但用論語々勢。故爾耳。○四大義門功德
文。顯證果平等一味一相。無人天三乘差別。本願無生之生故。
皆受自然虛無之證果也。○本則三々之品者。六要二義。一云
体三名三爲三三。体與名無一二之殊。一義云言三三者指九品。雖
說九品差別。實無一品二品之殊。何況實有九品差云云。○如
淄澠一味者。淄澠水名。出列。入海一味。水性一味。二義可思。上
次妙聲功德。引主功德。顯佛力住持大乘正定。次眷屬功德。承
之。雖眷屬不同。等爲正覺阿彌陀所住持。俱是正定聚也。今爲
顯眷屬功德。一因一果之義。引大義門。娑婆九品有異。今生淨
土。無九品差別相。同入果海。皆悉住於正定之聚。如淄澠一味。
○五清淨功德文。清淨功德是淨土之德相故。論在初今引在
於諸文後耶。今按德顯煩惱成就凡夫人。獲往相心行故。生彼

清淨土。則不斷煩惱。得無上涅槃極果。是則斯安樂自然國德。
二門。上來所引四文中。一。言焉可思議。今攝此中。成難思議
往生之義也。○得涅槃分者。分謂分齊分涯義。如果分不可說
之分。是非分滿之分。若分滿之分者。可言分得涅槃。今即不然。
彼土是清淨安穩無為涅槃界。若有生彼者。無不究竟無上善
提。到涅槃處者。斯安樂自然德。何分滿之有耶。其義可思。

○安樂集云至乃頂禮平等力上

二安樂集文集。下第八門有三番中。第二彌陀釋迦二佛。比
校末后文也。釋迦隱己長。顯彌陀長者。欲使一切眾生齊歸西
方。是故釋迦處々嘆歸西方。○須知此意者。須知釋迦嘆歸意
也。是故下。明曇樹法師。能知釋迦嘆歸意。自歸西勸一切道俗。
使皈安樂。故云安樂勸歸志。樹師獨決云。法師正意歸西者此
之謂乎。其嘆歸意者何。謂安樂佛國。超過諸佛淨土。其故有平

等願力。使一切往生者悉得平等一相證果。此則所以超過諸
佛國也。是以法師傍大經。奉讚安樂國之最勝。以自嘆歸也。今
引其奉讚文有八句。初七句嘆也。後一句歸也。

○光明寺疏云言佛願者至法性之常樂

三光明寺文有三。初玄義文。玄義初文。顯煩惱成就凡夫。獲往
相心行。即時入大乘正定聚之數。既言一切善惡凡夫。皆乘大
願業力。故次文顯得必至滅度。法性常樂之證果。何以言者。和
讚云。信知煩惱具足。煩惱成就凡夫。合乘本願力。皆乘阿彌陀即捨
穢身證法性常樂。即今次佛此乃合二文為一首。初一句示能信
機。一切善惡凡夫是也。信機文及清淨功德註文。合彰煩惱
成就凡夫人。第二句皆乘阿彌陀佛大願業力。意合信法。既言
皆乘願力。證因平等。大行此乃住正定。同一念佛無別道。故是
也。第三第四句與今次文同。彰二尊密意。惟在捨此穢身。得法

性常樂妙果。故知今初文學能入機。彰因平等。故云皆乘。后文彰證果平等。序題門云。娑婆化主。因其請故。即廣開淨土之要門。安樂能人顯彰別意之弘願等。今但學弘願釋者。示二尊一意之旨也。○又佛密意等者。釋迦開要門。彌陀彰弘願。二尊密意弘深。唯有世尊能開示。非因人之所測知。○仰惟等。竊探二尊密意。二尊遣喚一意。惟仰信順。二尊言下。乘彼佛大願業力。得往生彼國。二尊密意無他。但捨此穢身。即證彼法性之常樂。以爲二尊正意而已。○勤心者。安心現本作懃奉法者起行。○畢命爲期者。長時修也。○即證法性常樂者。必至滅度。即是常樂也。

○又云西方至罪皆除

二定善義文。定善義水觀讚文。引釋前法性常樂之故。初二句示常樂相。涅槃寂靜無爲。爲法性常樂。樂音落通用○逍遙離有無者。

彰無爲樂。默泊無爲自樂。而不拘有無。名爲逍遙遊。離生死有。故常寂靜。離涅槃無故。從寂起悲。大悲薰心。遊法界。利益衆生。平等大悲故。分身利物亦平等無殊。○或現神通已下。明分身利物之相。或神通說。或現相好入涅槃。或隨意變現種種莊嚴。○群生見者。罪皆除者。示其利益也。有人云。報土有罪而除耶。知是帶化土益。一是。或是顯法体具德。二是。今謂不然。既言遊法界。十方法界中。豈此益無耶。

○又讚云至彼涅槃城

三同水觀次文。此成上捨此穢身。即證法性之常樂。而結上也。○歸去來者。勸誘辭用。淵明語。生死娑婆爲魔境。障緣多處故。勸爲不可停。曠劫已來流轉處。皆苦無樂故。勸不可停。又云努力翻逆還本家。或云元來是我法王家。若依之。凡夫背覺合塵。久流轉他鄉。不知本家故。勸誘歸本國。今意不爾。曠劫流轉

苦。此一生為限。捨此穢身時。流轉生死苦。悉同時捨故。畢此生平後。永絕大患。入彼涅槃城也。云即證法性之常樂。涅槃城即常樂城。與樂通訓為都城。

○夫按真宗至因淨故果亦淨也。應知大門第四總結四法。教卷首謹按淨土真宗至。就往相回向。有真實教行信證等。今至此總結其四法。四法合為因果。若因若果皆悉。如來大悲清淨願心。所回向成就利益故。因清淨願心。果亦清淨願心回向故。結云因淨果淨。本據論註如上釋。

○二言還相回向者。則是利他教化地益也。大門第二。明還相回向有三。一標名畧示。二明所出願。三廣引諸文。此初按此中四法及因果往還之三科。錯綜明來。如盤根縱橫難分。若約四法因果科。則以教化地益攝於往相證果中。

体具用故。若約二回向科。則從證果体分出悲用。次前往相明還相。教卷首云。有二種回向。一往相二還相等。其往相上既明竟。大明還相故。標云二還相回向者。○則是利他教化地益者。承真實證來。前往相證果。云利他教化地益。蓋是約果之体言之。今言益者。約果之用為言。於往相證果具悲用故。從果体分悲用。顯教化地益。和讚云往相回向之利益。回入還相回向。此意也。利他教化地者。論註云。菩薩出第五門。回向利益他行成就應知。成就者謂以回向因證教化地果。若因若果。無有一事不能利他。文論及註利他之言。約出門菩薩高祖屬佛本願力。回向利益他。為顯他力之稱。與向行信證同。一般而已。論以言本願力回向。為佛本願力利他回向也。教化地益者。註云還相者。生彼土已。得奢摩他毘婆舍那。方便力成就。回入生死稠林。教化一切衆生。共向佛道。則是菩薩出門。園林遊戲地門。

也。

○則是出於必至補止回向之願也

二明所出願。此中有三名。初二名就文立名。通諸師以補處爲究竟。后一名從義。今家不共立名也。世人謂但補處爲還相者不然。若爾攝后々不盡故。宋譯分除其本願已下爲一願。其相顯明矣。有說云。此願有二願事。一令極等覺位。而住一生補處。今初二名據之。二令修普賢德。而度衆生。后還相回向之願名。依修普賢德。此之補處及普賢德。俱因位菩薩。現眷屬莊嚴。果后之用也。樹若一願二事者。一願兩體。何爲正意乎。又依普賢德。立還相名者。等覺補處是非還相乎。和讚云。安樂無量大菩薩。至一生補處。故歸普賢之德。乃必化穢國。補處與普賢德。別者。忽違祖文。今家意不然。補處及自在化。俱從果向國故。名還相國。其補處願。因究竟。是從果向因始。從極果降一等爲補處。

其所樂。或地前地上。乃至十地。種々自在所化。亦是從果向因菩薩也。故還相回向名。廣通補處及自在化。普賢德亦通前二種。是故總名還相回向願。

○顯註論故不出願文可披論註

三廣引諸文。三。初願文推註文。論註引廿二願兩處。一下所引不虛作住持註文。二者三願的證文。並彰還相回向願意。今近指不虛作註文。

○淨土論日出第五門乃名出第五門

二淨土論文。信卷引此文。證如來回向。今正證教化地益也。○以大慈悲者。從證果起悲用也。○觀察苦惱衆生者。以大慈悲觀察也。爲拔一切衆生苦惱故。示應化現神通。種々利益名教化地益。○示應化身者。所謂從如來生。示現種々身。如普門示現是也。○回入生死者。還相之義也。○遊戲神通者。大論九十四

十一。問菩薩神通力有所作。何以名遊戲。答曰。戲名如幻師種種變現菩薩神通種種現化。名之爲戲。復次佛法中。三昧空名爲上行。何以故。似如涅槃無所著。無所得。故諸餘行法皆名爲下。下如小兒。是故說神通力爲遊戲。法雲經五五云。復有十法。名遊戲神通云云。○至教化地者。自娛樂處也。○以本願力回向故者。一往菩薩本願力。再往如來本願力也。

○論註曰。還相者乃大悲心故。

三論註亦二。初還相回向釋。後十大章文。此初此文釋。出第五門論文。以二種回向。其往相文既行。卷引證竟。今斷取引還相文。以顯還相回向利他教化益也。○若往若還等者。於此土所願求往生。願作佛心。具度衆生心。其度衆生心。至彼國成就度衆生。故往相中度衆生心。還相中度衆生爲拔苦。大悲是一也。是

故共衆生。回向爲首。成就大悲心。是故引論文。結三種回向也。

○又嘗即見彼佛乃八句次第成已

後十大章文分爲八。第一觀行休相章。亦有二。一觀佛功德。後觀菩薩功德。初中不虛作住持功德文。觀佛八種莊嚴中。別引不虛作住持功德文。次明八句示現自利成就文。初文中亦二。初明得平等法身。而神力示現種種教化。後問答明超出常倫益也。初中即見彼佛。未證淨心菩薩等。顯不虛作住持利益。論曰。偈言觀佛本願力。遇無空過者。能令速滿足。功德大寶海。故即見彼佛乃同得寂滅平等故已。准上註文。有見佛空過。聞名空過之二。聞名約此土益。今約彼土益。明見佛不虛作益。初地已上七地已還菩薩。生彼國見阿彌陀佛時。能令速滿足。功德大寶海。故即時得證平等法身。遍十方世界。供養諸佛。種種教化度脫。與淨心上地菩薩。畢竟同。斯則由如來還相回向願

力故。今引證也。○平等法身者。已下註文。八地已上法性生身菩薩。所得法名寂滅平等法。得此法名平等法身。七地已還菩薩。見佛時與淨心上地菩薩。身等法。等分身與法釋者。由所得法寂滅平等。故能得身種々示現。無往來想。供養想。度脫想。無想無作。任運一念一時。遍一切處。供養一切佛。度脫一切。得寂滅平等法。故能得身如是。故名平等法身。爲此義。故能得所得對明耳。此菩薩已下。明八地已上平等法身。○報生三昧者。大論五十三。十地論第九名報行。果報生不用力。自然得名報生三昧。此菩薩得此三昧法。故不作心。自然供養諸佛。教化衆生也。○未證淨心菩薩者。明七地已還。作心現身。施作佛事。故名未証淨心。此菩薩願生見佛也。此之未證淨心淨心差別。且因順此土地位。階級言之耳。今所證者。一處一念一時。遍至供養等。即是廿二願。自在化菩薩。修習普賢德之相也。又下所明菩薩

四種正修行是也。故今引證也。○問曰。已下後問答分別。初問意。承前因順十地階級。言身等法。發此難意。云從初地已上。至八地十地。運多劫數。乃可得至。云何生彼見彌陀佛時。畢竟與上地菩薩。同得寂滅平等耶。答意。言畢竟等。不言即等。故不違菩薩進趣階級也。○問曰。等。后問意。若不即等者。可言與佛等。登初地。漸增進。自然當與佛等。故。何由言與上地菩薩等耶。答意。有七地沉空之難。大論於七地終說之。華嚴於八地初說之。今依大論言七地。今七地已還菩薩。生安樂。見阿彌陀佛。即無此難。與上地菩薩。同進登佛地。故言與上地菩薩等。不言與佛等。此且依十地經。不壞菩薩階級。論身等。因順餘方釋也。○復次。無量壽經下。約本願別意。明超越十地階級。得超出常倫諸地益。引二十二證。此乃還相回向之相。今畧解文。此中大分爲三段。一他方佛土菩薩衆者。標所爲人。二來生下學所願。三若

不下結誓約也。初中他方佛土諸菩薩衆者。古云但限地上聖者。西望。或云願高誓重。大菩薩珠會。今謂此廣通一切凡聖。其有六十七億不退菩薩來生。亦是爲金剛真心人。信末。事讚釋衆生々者。皆是阿毘跋致。言九品往生人。故知通凡聖也。次明所願亦三。初究竟必至下。明必至補處。二除其至正真之道。明自在化。三超出等四句。通明還相勝益也。○究竟必至一生補處者。究竟是因位極。等覺爲位之究竟也。一生補處者。等覺尙有一品無明未破。故曰一生。此品無明其力最大。最后心以金剛智斷之。而補妙覺之處。法華云。餘有一生在。當得一切智。寶網經說二生乃至千生補處。今簡餘生云一生也。何故於此位立誓者。初生刹那證涅槃大果。從果降因門一等。是爲因究竟。是爲教化地始。願假令下。因門而令至。因極故。於此立誓。難行自力門。初住爲入聖始。故曰初發心時便成正覺。易行他力教。一

生補處爲利他發軔。其分齊宜分別矣。○除其本願等。二明自在化。所除文。一義云除其本願自在所化二句爲所除。爲衆生故已下。明補處德。一義從除其至正真之道。通爲所除。今謂後義爲正。願成就文。除其二字本爲衆生故。至普欲度脫一切衆生文。讚偈云。除其本願大弘誓。普欲度脫諸衆生文。高祖三經文類。及當卷訓義。除其二字至正真之道者。能符願經釋意。何爲違之耶。又有義除其二字。至普賢之德之句。梵。亦違祖訓。不可據也。除者非除却言。任其樂意。猶如除其本願。修短自在之除也。其本願者。莊嚴經云。若有本願未欲成佛。爲菩薩者。我以威力令彼教化一切衆生文。彼願成就云。若有菩薩以宿願故入生死海。作師子吼。利益有情。我令隨意而作佛事文。既言宿願。知宿世本願也。此菩薩宿願生淨土。則常在二位。自在能濟度一切。不樂住補處也。○自在所化者。於化物中而得自在。故

即遊戲也。又可化謂化作。隨類應現得自在無碍。故如普門示現也。○為衆生故下。明自在化德。於中初句是惣句。一至度脫。遊諸佛國已下四句別釋上。願成文述初惣句。文云除其本願。自在所化。為衆生故。以弘誓功德。而自莊嚴。度脫衆生文。惣中為衆生故者。通下三句。明自位已滿。為衆生發三精進也。三精進者。如瑜伽四十二。唯識論第九廿等說。一擐甲精進。今被弘誓鎧是也。唯識對法并言被甲。擐被義同唐譯。原文云被精進甲。成甲云擐大甲。鎧者。琳音一。六。說文鎧甲也。文字集畧云。以金革蔽身曰鎧。即甲冑也。論云諸菩薩。於發加行精進之前。其心勇悍先擐誓甲。若我為脫。一有情苦。以千大劫等。一日夜。處那落迦。不在餘趣。至乃我之勇悍亦無退屈文。大品經說大誓莊嚴。莊嚴著義。設義也。今安養菩薩。欲入煩惱稠林。伏生死大軍。被此勇悍誓鎧。無所怖。求其本由。被如來本弘誓鎧。故。二攝善精進。今積累德本是也。論曰云何攝善精進。謂所有精

進。能為施等諸度加行。成辦施等。又由此精進。是修證能成菩薩一切善法。最勝因緣。餘則不爾等文。今安養菩薩。為一切衆生故。集如來法藏。歸本願弘誓。如來法藏者。彌陀因中所修萬行。六度功德。悉積累為名號。施之一切衆生。以為德本。故云積累德本也。三饒益有情精進。今度脫一切是也。論曰云何菩薩。饒益有情精進。謂此精進有十一種。如戒品說。唯識述記。次別釋中。遊諸佛國。修菩薩行。供養諸佛三句。即開積累德本句。彰功德莊嚴。大論所謂多集功德是也。所以遊諸佛國。則為施作佛事。積累德本。故修菩薩行者。無作妙行。唐譯云。修大涅槃。是也。上所引論註云。此菩薩入報生三昧。以三昧神力。一處一念遍十方世界。供養一切諸佛。及諸佛大會海衆者。此意也。○開化恒沙等者。開被弘誓鎧度脫一切句。開謂開導。化謂教化。註曰開諸衆生淤泥華。此喻凡夫在煩惱泥中。為菩薩開導。能生

化正覺華。諒夫紹隆三寶。常使不絕。上所引註文云。於無量世界。無佛法僧處。種々示現種々教化。度脫一切衆生。常作佛事者。即開化恆沙相也。大論慈心爲衆生菩提。○超出常倫等。三明還相勝德。一云補處德相。一云所除菩薩德相。今謂二俱非也。按祖意。此通補處自在化二種。爲還相普賢德故。和讚云。安樂無量大菩薩。至一生補處。歸賢普德。必化於穢國。補處豈非普賢德。又云說還相之回向者。得利他教化之果。即回入諸有。修普賢之德也。化自在非修普。故知若補處若自在化。同是超出常倫。修普賢德。是名還相回向也。超出常倫諸地之行。現前修習。約現點則諸地行者所超十地行現前修習者。依此意者。超出者超越出過之義。常倫者常途十地階次。一應化之道也。現前者於一地中。一切諸地之行同時現前。如言十地願行自然彰。安養界裡菩薩。超過常途十地行位。不從一地

至一地。一地中自然一切行現前。一念即無量劫。是顯安養勝德。是故論註引彰超出此意也。普賢之德者。於果分不可說中。而現因門。從果向因名普賢德。勞謙善讓齊普賢。而同德者。此之謂乎。探玄曰。德周法界曰普。用順成善稱賢文。華嚴行願品云。如是等上首菩薩。一切皆並從普賢行願所生。此菩薩雖居補處。因果無二故。探玄記曰。若一乘圓教中。實則不依位。寄終教位相以辨之。於信滿不退際。則明得彼普賢法界行德。具攝因果。圓融無碍。若以因門取。則常菩薩。若果門取。則恆是佛文。今按普賢德者。法藏菩薩。出門德名。若補處八相若隨類應化。皆同修習法藏菩薩出門之行。大經云云。○按此經推彼國菩薩。至未敢詳也者。釋成超出常倫。諸地之行經意。以會十地經菩薩階位之難。彼閻浮一應化道。此淨土超出益。何以此土位階。例難彼土超出之妙位耶。况佛法最不可思議。豈無超越之理。

汝以有碍識。量無碍佛智。不思議。言無超越之理者。未敢詳也。大哉辯師此言。超越之理者。顯初生即證。平等法身之義。於中華。辯師為權輿。吾祖承之。恆言往生即成佛。有其旨哉。○譬如下學。喻成未詳之義。好堅樹出。大論六要四十五引。大論第十。好堅樹喻淨土之超越。以松喻此土十地階級。好堅樹文。生長二字分用。修松下生長二字合用。○不疑即日者。一日長高百丈。故云即日。一木作即日非也。○有人等。下遮有人疑佛力不思議。一到即無生之說。以為方便誘引說之失言。有人者晉武都山隱士劉虬。字百龍。無量義經序云。有中伏結非無日損之驗。空上論心未有入理之効。而言納羅漢於一聽。判無生於終朝。是接誘之言。非稱實之說文。序見出三藏記第十。非常之言出莊子。○畧說八句。至次第成就應知。論結佛八功德文。此云何下註文。承應知文。明八句生起次第也。此文似無用。為何用之耶。今按

雖有八種次第觀。而但是開觀佛本願力之觀。為八種。卷取則為一觀佛本願力。是故為顯不虛作住持最勝引此文。又此大衆功德。開出觀菩薩四種。文連續不相離。故并引也。○二觀菩薩文。衆生便立無上正真之道是也。此四種皆還相回向。教化地益。修習普賢之德也。餘又畧之。○已下是解義中第四重名為淨入願心。乃故得名清淨文。第二淨入願心。初十五字結前生后。淨入願心者。下正釋。五字牒章目。今引證還相回向者。註文既言諸佛菩薩二種法身。論云三種成就二種清淨。又註云不知廣畧相入者。不能自利。他。就菩薩衆生清淨義。取二利滿足邊。為二利四滿妙果之益相。故引證還相回向可知。昨已上。○又向說至非無因他因有也。淨入願心文有五段。第一學論。釋淨入願心之義。此章明主世相即。依正相融無碍圓融之義。前來所明三種功德差別。依

正主伴各別說之。今說淨入願心。使上來差別無碍融即。三種莊嚴名淨。即二種清淨故。此果淨入於因清淨願心。因果不二故。果海無量莊嚴。皆是願心相也。故名淨入願心。謂以願心清淨因。莊嚴果三種功德故。得三種莊嚴皆清淨。果清淨由因清淨故。云因淨故果淨。有淨願心因。而生非無因。又非有他不淨因。而生故。云非無因他因有也。又暗遮四生計。非無因者。遮自然外道。非他因者。遮自在天外道計。佛法依因緣故。自離四生計。應知。○略說入一法句故。文論上國土至不能自利々他文。第二段明廣畧相入。畧說入一法句故者。成三種成就願心莊嚴之所由也。何以三種成就願心莊嚴。以略說入一法句故。云何四十八願入一法句。一法句者一正覺也。謂一一誓願入一正覺故。四十八願誓不取正覺。不取而願成已取日之入。三種成就全是。一正覺中別相故。四十八願是三種莊嚴因。是故

三種莊嚴入正覺阿彌陀之一法說之。言略說入一法句。正覺一句示現果海差別相。名畧入廣。是說爲廣畧相入。誰人說之。謂釋迦能說之。何處說之。小經云聞說阿彌陀佛是其畧說也。謂上所說國土莊嚴。及佛光壽。聲聞菩薩人民無量等。此三種莊嚴。總攝言說阿彌陀佛故。然則說阿彌陀佛。即是畧說入一法句也。示現廣畧相入者。廣入畧々入廣。而廣畧不一不異。名爲相入。廣畧相入出在何文耶。謂小經云。汝勿謂此鳥。上所言實是罪報所生止。其佛國土尚無三惡道之名。何況有實是諸衆鳥。皆是阿彌陀佛。欲令法音宣流變化所作文。阿彌陀佛作衆鳥。即是畧出廣也。衆鳥全是彌陀廣入畧。豈非廣畧相入乎。此且乘便。就衆鳥示其一端。理實寶樹寶林。寶殿樓閣。池流華樹。菩薩聲聞等。亦復如是。廣畧相入。其義可知。○諸佛菩薩有二種法身等者。智光疏引大論。一法性生身。二隨衆生現

身佛。六要從之。有說云。本業璣經云。一法性法身。二應化法身。今欲明彌陀。巧方便之義。故改應化法身。為方便法身。故知雖依璣經。意不同。彼經存別意。故不指經名。釋亦從之諸佛菩薩者。法身流轉五道。言之眾生。然在迷中。全體無明。故除眾生。但約安養界。諸佛菩薩也。法性法身者。約通途。則本有理體名法性。今不然。彌陀正覺實智。冥法性理。理智不二。智無量壽智體。名法性法身也。方便法身者。其智發悲。悲智不二。悲名方便法身。方便者。彰現之相。無名現名。無相現相。非色現色。池樹宮殿樓閣。鸚鵡舍利迦陵頻伽等。起種種相。示現莊嚴名方便法身也。○言由法性法身。生方便法身。由方便法身。出法性法身者。生謂生起。出謂顯出。安樂集上十四引云。顯出法性法性法身無相故。能無不相故。相好莊嚴即法身故。曰由法性法身。起方便法身。其無相之相。不特發。由大悲方便。顯出無相

之相。故云。由方便出法性也。此二法身異而不可分。一而不可同者。二種不一不異。相緣而動。相緣而靜也。動不離靜。々不失動。一而不可同故。說為二種法身。異而不可分故。說為一法句。○廣畧相入。統以法名者。廣諸法畧法性。不一不異故。以法字統廣畧。立一法句之名也。○不知廣畧相入。則不能自利々他者。依下註文。廣略止現相順修行成。不二心。知廣畧皆實相。而後成。巧方便回向。非巧方便回向。則不能自利々他。故。○一法句者。謂清淨句。至無為法身也。文。第三段釋。一法句。一法句者。一箇法句。阿彌陀佛是也。一法句者。謂清淨句者。涅槃名清淨。涅槃經云。一道清淨。阿彌陀佛即涅槃妙果。涅槃清淨故。釋。一法句。為清淨句也。○清淨句者。真實智慧無為法身者。清淨涅槃。是實相智所證。其體無為法身故。以實智法身。顯清淨句也。真實智慧者。實相智慧也。實相無相故。真智無知。次釋云。無知故

能無不知。是故一切種智。即真實智慧也。又。冥實相。智名。真智也。肇公云。聖智無知。而万品俱照。○無為法身者。法性法身等。法性是本來有。不假為作造作。名無為法身。○法身無相。故能無不相等者。肇公云。法身無像。而殊形並應。此意也。無相者。無長短方圓形相。無青黃赤白色相。故能應長短方圓。青黃赤白。是無相。万形並應。故相好莊嚴。即法身也。由此言之。無不相者。一切種智所得。即是三種功德。相好莊嚴。即法身。即是方便法身也。法性寂滅。是實智之所證。即是法性法身也。故知真實智慧無為法身句。非二種法身之義。思之。○以真實目智慧等。釋真智無知。真智無知。故無作無所。作故。無知。故無所。不知。一切万品俱照。故非非作也。以非作非。作。名真實智慧也。○以無為樹法身等者。顯上法身無相。能無不相等意。謂法身非顯色形色。故無相也。無相。故能無不相。故非非顯色形色。殊形皆應。

故非非色。非色非色。故。名無為法身也。○非于非者。豈非非之能是乎。等。明絕百非也。辨曰。翼解云云。得旨。○非色非非色等者。非于非也。能非之者。豈非能非之是乎。以是能非非故。然別有能是。而非于非乎。○蓋無非之曰是者。非于非。是非能是。但遮思色非色情執為是。故云無非之曰是也。又自是無相待者。亦非是也。是非待非是。非亦非待是之非。重非重是百是之所不礙。百非之所不礙。是故曰清淨句者。真實智慧無為法身也。此中但舉絕百非耳。○此清淨有二種應知。乃至故云應知。第四段明從清淨句出二種。上三句展轉相入中。此法清淨故。通一法入清淨。別此清淨出二種者。從畧出廣。由法性法身。生方便法身是也。○何等二種止應知。已下第五段。明二種清淨。如是一法句。攝二種清淨義者。一法句攝二種清淨故。於清淨句中。開二種。即是從一法句開出。○夫衆生下釋應知字。明應

報別報依用不一。名二種世間也。然諸法下。明衆生及器俱名清淨。問曰。已下問答可知。人天非實清淨。以當得故得名清淨者。且約廿九種門爲言。理實菩薩人天。同皆受自然虛無清淨法身。人天豈不證入清淨句乎。不然應非三種成就。願心莊嚴土。是但約廣門釋耳。

○善巧攝化者至無上方便也。

第三善巧攝化章。古來解云。已下明生彼土已。至教化地爲還相回向。故二門偈云。生彼土已。速疾得奢摩他毘婆舍那。巧方便力成就已。入生死國煩惱林。示應化身遊神通。至教化地。利群生。即是名出第五門文。可準解云云。有解云。已上明觀察門竟。此下釋回向門。何以知者。言禮拜等五種修行等。又引三輩章。明菩提心故。若言生彼國後事者。何引三輩章菩提心。明知此釋回向門也。善巧攝化者。以已所集禮拜等四種功德。與一

切衆生。共向佛道。名爲善巧攝一切衆生。共生極樂。名爲攝

化也。○成柔軟心者奢摩他。上所言之願生毘婆舍那。上所明觀此

止觀不相離。以之從廣觀畧。從畧觀廣。廣畧相入成柔軟心也。

註止觀相順者。止作願觀觀察。觀即願願即觀。廣二十即畧九種名

畧即廣。能所機法不二。云得柔軟心。又一心五行相即相。是

云不二心。以水取清淨相資者。奢摩他水靜。移觀察依正分。所

謂以淨信心手。持智慧輝是也。注家以相順義釋柔軟者。若強剛者

不二也。六要第四云。柔軟心者。見今注意隨順義也。○譬如以水取影等者。

不水如一。心影如。柔軟清即是觀靜。即除止。止觀相順成柔軟心者。辨曰。非也。此

廣略諸法喻。影柔軟不二心。譬水。此心中止。寂寂不二。即如清淨相資。清淨

者一水。湛明耳。止觀一心寂照耳。水色湛明。而有取影之功。心也。止觀而能契

機略境也。一心也。者願生一心也。此心具遮照德。止觀法體具德。不藉如實相

知廣畧法者。廣二十九句。畧一句。皆知真實功德。不虛僞不顛

倒故。知廣畧莊嚴。真實功德相。則永離三界虛妄相。故知三界

人天。實是有漏虛妄顛倒也。知衆生虛妄。則欲與衆生共生安

樂故云。生真實慈悲也。○知真實法身則起真實歸依者。真實法身。即盡十方無碍光如來也。真實歸依。即一心歸命也。知無碍光佛攝取衆生德。而起一心歸命信心。欲與衆生共生安樂國。是曰巧方便回向也。巧方便回向者。禮拜等所集行。不求自樂。欲拔一切衆生苦故。即是願生安樂菩提心也。是故引三輩章。釋無上菩提心。○即是願作佛心者。彰不求自身住持之樂。○願作佛心即度衆生心者。彰欲拔一切衆生苦故。○攝取衆生。生有佛國土心者。彰作願攝取一切衆生。共同生彼佛國之句。此乃以經文。釋成論文也。此三句。攝有佛國土心。攝度衆生。則但是願作佛心。度衆生心。爲淨土大菩提心也。○若人不發下。明自力心不生。爲自樂願生者。不得往生也。○是故下合論文。彰願作佛心度衆生心。即無上菩提心也。○巧方便者等者。菩薩願心後其身。彌陀佛願心亦如是。然彌陀後其身。而

身先成佛如火燃。是名巧方便。此中方便者。使共生安樂他國。爲方便。彼國畢竟成佛道路。無上方便故。已上。今按祖意。巧方便回向。爲彌陀回向。今引顯上還相回向。即是彌陀大悲心成就。上文云。還相者。生彼土已。得奢摩他毘婆舍那。方便力成就等者。即是廣略止觀。相順修行不二心。成就巧方便回向也。知廣畧實相故。知三界虛妄。知虛妄故。發真實慈悲。欲拔一切衆生苦。知淨土莊嚴即法身故。起真實歸依。共同歸畢竟成佛道路。是由成就柔軟心也。是名巧方便回向。此之回向本。是彌陀願力回向。謂禮拜等所集功德。施一切衆生。共向佛道。故。后其身而身先名善巧。攝共生有佛國土。名無上方便。今引成向還相回向。不求自身住持樂。欲拔一切衆生苦者。即顯向若往若還。皆爲拔衆生苦。渡生死海之義。即是彌陀大悲。度衆生心也。二門偈是爲法藏出第五門益。此中可準解矣。

○障菩提門者至相違法

第四發菩提障。前巧方便回向。即大菩提心也。已下四章。以巧方便回向爲體。此之所離所順。所得所成。開爲四章。故云菩薩如是。善知回向成就。即能遠離三種菩提門相違法。○智慧門。依智故不求自樂。增進佛道。不墮二乘地。依慧故知空無我。離貪著自身。即是回向章。不求自身住持之樂。是也。○二慈悲門。依慈故欲拔一切苦。依悲故與安樂。此乃上章云。欲拔一切衆生苦。故是也。註曰。拔苦曰慈。與樂曰悲等。慈悲二字。拔與配釋。經論不同。不可和會。智論廿七初等與今異。但本涅槃十五。八云。爲諸衆生除無利益。是名大慈。與衆生無量利樂。是爲大悲。尸疏十四。九云。若慈但與樂。悲唯拔苦。則非兼用。今明慈亦拔苦。悲亦與樂。已。○三方便門。依正直故。平等憐愍一切。依外已故。離恭敬自身心。即是向章云。作願攝取一切衆生。共同生安樂佛

國是也。此門中云憐愍一切。與上慈悲門何別。答上門約拔苦與樂。是則所作。今門只云憐愍衆生。是能作心。智慧門是第十願。慈悲門是第十八願。方便門是第二十二願也。此乃巧方便。回向。心遠離三種菩提門相違法也。有義此中違順兩門。亦是寄聖道菩薩之法。而彰法藏因中所修。初智慧門者。經云假令身止諸苦毒中。我行精進。忍終不悔者。知進守退智也。其心寂靜。志無所著。住空無相無願之法。觀法如化者。知空無我。惠也。以慈悲門者。經云拔諸生死勤苦之本。廣濟衆厄難者。拔苦也。以慈悲門者。經云拔諸生死勤苦之本。廣濟衆厄難者。拔苦也。十方來生心悅清淨。已到我國快樂安穩者。與樂悲也。后方便門者。十方衆生之本誓故。平等正直之方也。不簡凡聖善惡諸機。故誓若不生者。故後其身之便也。又此三門。第一攝法身願。第二攝衆生願。第三攝淨土願。又一法句故智也。廿九句故慈也。廣畧相入故方便也。雖有三門。以第三方便門爲主。由

之所成故。曰方便法身。上。

○順菩提門者止法滿足應知

第五順菩提章。離相違法故。隨順菩提門。依智慧門。離貪著自身。得無染清淨心。是順菩提門。依慈悲門。離無安眾生心。欲拔眾生苦。得安清淨心。是順菩提門。依方便門故。攝眾生。生安樂國。即是得大菩提故。得樂清淨心。是順菩提門。無染清淨處。安清淨處常樂處。即是安樂國異名。然則安樂國。即是無上菩提處。求生彼豈非無上菩提心乎。又云順門三心。通皆言清淨法藏菩薩因中三心。各修成一清淨願心。其清淨願心入眾生心中。爲清淨願往生心。即願作佛心度眾生心也。彌陀以清淨願心莊嚴佛國。曰之清淨處。即光壽無量之清淨句門。即畢竟常樂大涅槃也。通皆言菩提。即彌陀正覺果也。眾生亦以清淨願往生心。證入彌陀正覺菩提清淨處。而得畢竟常樂故。此三門亦以

清淨心爲主。良以彌陀欲令一切眾生得大菩提畢竟常樂故。修建攝取眾生之淨國。此清淨國即大義門。即畢竟常樂處也。從廣門言則入大義門。而后得畢竟常樂。從畧門言則大義門者即寂滅平等智海也。論註曰此中言方便者云云

○名義攝對者是故應知

第六名義攝對。智慧慈悲方便三種爲名。此三種門。達如通權爲義。三種門攝般若。般若攝方便。名攝對。般若實知。達如則順法性。心行寂滅。方便通權。則備應眾機。不捨俗諦。相緣而動。相緣而靜。動不失靜。靜不廢動。互相攝取。名義攝對。經言智慧方便。是菩薩父母云云。○向說遠離我心等。三種遠離障菩提法。合爲無障心。向說無染清淨心。安清淨心。樂清淨心。此三種順菩提門法。合爲妙樂勝真心。

○願事成就者至自在業成就

第七願事成就。願謂菩薩心事。謂五種事業也。此願行成就得往生。此智慧心。方便心。無障心。勝真心。四種清淨心。能生彼清淨佛國。能五種事業。和合隨意自在。能生彼國。出沒自在。名自在業成就。○出沒自在者。生即無生故。自利々他行滿足。次利行滿足章。爲化他。明五門功德成就也。寄聖道菩薩修行。以彰法藏因中之所修。故二門偈云。云何回向心。作願乃無碍。光佛因地時。發斯弘誓。建此願。菩薩已成智慧心。成方便心。無障心。成就妙樂勝真心。速得成就無上道。○依此義者。從巧方便章已下。所明四種心。皆是法藏菩薩利他願心成就。回向之衆生。能生清淨佛國土也。他力生施即本願三信是也。然則巧方便回向者。即是彌陀回向心也。此中所引可準解之。復次論寄菩薩。以顯彼土還相益相。故證卷引證還相。此二無二也。行則從久遠實成妙證之所。顯現法藏薩埵。即是還相也。斯往還二種。爲一

南無阿彌陀佛回向。回向衆生故。衆生全領而窮二回向益。乃至廣說。

○利行滿足者。至是名教化地第五功德相抄出上

第八利行滿足。師說云。在因則從一心畧開五念廣門。於果亦初生處。入一法句。証大涅槃。一等際出廣門。修已成五門行。成利他行。爲彰此深旨。願事成就外。別明利行滿足章。○漸次成就者。能生時頓成就。入出自在。何言漸次耶。謂能生清淨佛土。是究竟處。從此方便自在漸次。示現入出相。故言漸次。入相中。○初至淨土等者。言入大乘。言入淨土。言入如來會衆。入文自次第。謂入大乘正定聚者。入初地也。入如來會衆。入八地也。何者。未証淨心菩薩。與八地已上菩薩。等得寂滅平等故。云入大會聚。修行安心之宅。修行所居屋寓。二門俱是佛果。速証眞如法性身是也。分宅屋二門者。寂照二耳。照而常寂是宅門。寂而

第七願事成就。願謂菩薩心事謂五種事業也。此願行成就得往生。此智慧心。方便心。無障心。勝真心。四種清淨心。能生彼清淨佛國。能五種事業。和合隨意自在。能生彼國。出沒自在。名自在業成就。○出沒自在者。生即無生故。自利々他行滿足。次利行滿足章。爲化他明五門功德成就也。寄聖道菩薩修行。以彰法藏因中之所修。改二門偈云。云何回向心作願。無碍光佛因地時。發斯弘誓建此願。菩薩已成智慧心。成方便心。無障心。成就妙樂勝真心。速得成就無上道。○依此義者。從巧方便章已下所明四種心。皆是法藏菩薩利他願心成就。回向之衆生。能生清淨佛國土也。他力生施即本願三信是也。然則巧方便回向者。即是彌陀回向心也。此中所引可準解之。復次論寄菩薩。以顯彼土還相益相。故證卷引證還相。此二無二也。行則從久遠實成妙證之所。顯現法藏薩埵。即是還相也。斯往還二種。爲一

南無阿彌陀佛回向。回向衆生故。衆生全領而窮二回向益。乃至廣說。

○利行滿足者。至是名教化地第五功德相抄出上

第八利行滿足。師說云。在因則從一心畧開五念廣門。於果亦初生處。入一法句。証大涅槃。一等際出廣門。修已成五門行。成利他行。爲彰此深旨。願事成就外。別明利行滿足章。○漸次成就者。能生時頓成就。入出自在。何言漸次耶。謂能生清淨佛土。是究竟處。從此方便自在漸次。示現入出相。故言漸次。入相中。○初至淨土等者。言入大乘。言入淨土。言入如來會衆。入文自次第。謂入大乘正定聚者。入初地也。入如來會衆。入八地也。何者。未証淨心菩薩。與八地已上菩薩。等得寂滅平等故。云入大會聚。修行安心之宅。修行所居屋寓。二門俱是佛果。速証眞如法性身是也。分宅屋二門者。寂照二耳。照而常寂是宅門。寂而

常照是屋門也。舊解宅營居處。屋與寓有差別義。然宅托身處。屋亦居處。宅屋但一居處。且以止觀辨異耳。自行於此成就已故。出教化地。○此入出功德何下。對果五門。明因五門。出第五門中。遊戲二義初義約喻。后義就法解。約根本智。則無可度者。約後得大悲。則有度相。而如幻即空故。無能度示度者。如遊戲云云。此約行者還相利他解之。今按高祖約法藏菩薩解之。謂兆載永劫。漸次成就五種功德。以此功德回施衆生。佛功德爲五門體。而使衆生成就入出功德。二門偈曰。菩薩入出五種門。自利及他行成就。不可思議兆載劫。漸次成就五種門。何等名爲五念門。禮讚作願觀察回。云何禮拜身業禮。阿彌陀佛正遍智。善巧方便諸群生。爲生安樂國意故。即是名入第一門。亦故名爲入近門。云何讚嘆口業讚。隨順名義稱佛名。依如來光明智相。欲如實修相應故。即斯無碍光如來。攝取選擇本願故。是名爲入

第二門。即獲入大會衆數。云何作願心常願。一心專念願生彼。得入蓮華藏世界。欲如實修密摩德。是名爲入第三門。亦是名爲入宅門。云何觀察智。惠觀。正念觀彼欲如實。修行毘婆舍那故。得到彼所則受用。種々無量法味樂。即是名入第四門。亦是名爲入屋門。菩薩修行成就者。四種成就入功德。自利行成就應知。第五成就出功德。菩薩出第五門者。云何回向心作願。不捨苦惱一切衆。回向爲首得成就。大悲心故施功德。生彼土已速疾得。奢摩他毘婆舍那。巧方便力成就已。入生死國煩惱林。示應化身。遊神通。至教化地利群生。即是名出第五門。入園林遊戲地門。以本願力回向故。利他行成就應知。已今引意。亦可准解二門偈矣。

○爾者大聖真音等

第三惣結。承上往相還相二段。至此結故云爾。○大聖真音者

上所引因願成就文也。○証大涅槃藉願力回向者。示由必至滅度願力回向。得往相証果。偈云成等覺証大涅槃。必至滅度願成就文。○還相利益願利他正意者。明由廿二願。得利他教化地益。利他正意者。一云利他願。佛願正意也。一云約衆生。讚云往相回向利益。回入還相回向。行者出還相回向。方備足利他正意故。往相証果中。所有利他正意。於還相時。顯現故。二義並用可也。○是以論主宣布廣大無碍一心等者。於一心彰具二利德者。論主功也。於其利他顯本願力回向深義者。註家功也。故承前嘆二大師德也。○廣大無碍一心者。初言我一心者。自利。后言普共諸衆生者。利他。一心具二利德故。爲度群生。彰一心。此一心。從無碍。光利益所得。自利々他無碍。煩惱菩提無碍。圓融一心故。曰無碍一心。又此一心上。自論主。下至下品惡機。一切善惡凡聖。無不等。由此。故稱廣大一心。論主宣布此一心。

而普開化五濁群萌者。論主開化極沙之德也。○雜染堪忍者。稱讚淨土經云。雜染堪忍世界文。○宗師顯示等者。註家於論回向門。發揮論幽玄。以顯示往還大悲回向。更推自利々他論文。慇懃發揮他利々他深義。以弘宣往還回向。由佛本願力。更引三願的証他力義。二大師之功大哉。使濁惡凡愚獲一心佛因。得往相証果。至利他教化地者。偏由宣布之賜。仰可奉持頂戴其洪恩哉。

教行信證 卷第十三終

教行信證 畧讚第十三終

